

16

हमदांना नाय ।

मावथाय मोन 2 नुथाय मोन 3-थासारियारि मोनदांथिफोर



0337CH16

हाबाफारि 7

जादु हाखर(थासारि)



जोबथा बाहागो

थासारिफोरा जेब्ला
सोमजिखाडो खामानिफोरनि
मोनसे जथायखौ ज
'खालामनाय जायो ।

फै जों खनसे सोरगिदिं जिरायनि । जों दायो खनसे खरखौ सानगोन । फोरोंगिरिया मोनसे जानला-मोनला अनजिमाखौ कल खालामो । जेब्ला नोंनि अनजिमाखौ गाबज्रियो, अब्ला नोडो बेंखननि मिरु बिन्दोआव थां, जेराव नुनो मोनै जादुनि हाखर थायो । थांनाय खेबनि बायदि मोनसे बेसादखौ सायख 'नायनि बदलै, नों मोनसे थासारियाव बारनानै बेबादि खामानि माव जेरै नों थासारिआव बाहागो लायो । गुबुन गथ'फोरा थासारिखौ साननांगोन । रायज्जायनायनि जेबो गनायथि गैया !

फै जों गोदान मुलुग सोरजिनि, गुबुन-गुबुन सुबुडारि जाना आरो गोदान गोसो गुदुं थासारिफोराव फैनि ! बेफोर गासैबो माबोरै जायो ? नोंनि गोसोनि गेजेरजों ! नों माखौ सानो मोगथाडाव महर लायो !

गुदि

थियारि जानाय आरो फरायसालियाव फैनाय, गाहायाव गोग्लैनाय आरो डाक्टरनि खाथियाव थांनाय ।

सिगाडाव

सानै फरायसाया मोनसे थासारिखौ फाव खालामो । सासे फरायसाया थासारिखौ जागायो । गुबुन सासे फरायसाया गिबियाव बाहागो लाफायो आरो थासारिखौ दाजाबदेरना होयो । बिदिन्थि बायदियै, गाहायाव गोग्लैनाय आरो डाक्टरनि खाथियाव थांनाय । बेवहाय सासेया बेरामि आरो गुबुन सासेआ डाक्टर ।



नों सोलोंगोन

देहानि राव, ओंथि बेखेवनाय, सोरजिलुनि गेजेरजों सावरायज्जायनाय, सानबोलावरि, खोनानाय आरो खोनासंनायनि गेजेरनि फारागथि ।

सावरायनाय आरो फिनजाथाय

- नों बबेआव थासारिफोर सोरजिनो हागोन ?
- नोंनि मोनदांथिनिफ्राय थासारिफोरा (नुनाय एबा बारलांनाय) एबा सानबोलावरिमोन ?
- नोडो गुबुन फराबिजाबफोरनि आयदाफोरजों थुलुंगा जानाय थासारिफोर सोरजिनो हागोन नामा ?



बेनिखायनो, दा नों बुजिनो जागायदों दि माबोरै खामानि (देहा राव) आरो फोरमायथिखौ ज 'खालामनानै सुबुं सावरायज्जायनायखौ जौगाहोनो हायो । बेनि थाखाय सोरजिलु आरो सानबोलावरिनि गोनांथि जायो । नों नायनो हागोन दि माबोरै नोंडो नायजाबनि थाखाय गोनांथार बेफोर सोदोबफोरखौ बुजिनायल 'नडा, नाथाय बेफोर रोंग' थिफोरखौबो जौगाहोगासिनो, जाहाथे नोंथाडा नायजाबाव रोंग 'थिगोनां जानो हायो ।

बेंखन समनि मावफारिलाय



बे मोननै थासारियाव मा जागासिनो दं ?

बिसोरनि मावनायफोर (देहानि राव) आरो फोरमायथिफोरनि गुदि खिथाखौ नाय आरो बेखेव ।



मावफारि ८



बे हिनजावसाया बथलखौ बेबादि
बाहायगासिनो दं:

बेसादजों खामानि सालायथनाय

बिथोनफोर - फोरोंगिरिया सासे गथ'खौ लिंहरो आरो मोनसे बेसाद होयो। (सानफ्रोमबोनि थाखो खथानि बेसादफोर जेरै रेबगन, डास्टार, चक थुखा बायदि बायदि)। बेसादखौ बेनि गुबै खामानिनि अनगायै गुबुन माबा मोनसे महरै बाहायनांगोन। गुबुनफोरा गोदानै सानफिननाय बेसादखौ हमदानो हायो। बेनि उनाव बे एखे बेसादखौनो उननि खुदियानो होनाय जायो।

गथ'आ बेखौ माबा मोनसे गुबुन महरै बाहायो आरो गुबुनफोरा सानना लायो। नोडो गुबुनफोरा सिगांनिफ्रायनो मावखानाय खामानिखौ मावफिननो हाया।

गोसोआव लाखि — बानायजानाय बेसादनि महरा गुबै बेसादजों रोखोमसे जानांगौ। बिदिन्धि बायदियै, गंसे कलम-बेखौ मोनसे हाथाय ब्रास, खानजं, एबा गंसे खोस्लि महरै दिन्धिनाय जायो मानोना महरआ रोखोमसे। बेखौ बिजाब, हेलमेट एबा जुथा महरै बाहायनो हानाय नडा। मानोना बेफोरो महराव गुबुन-गुबुन जायो।



बे हौवासाया पेन्सिलखौ बेबादि
बाहायगासिनो दं:



जोबथा बाहागो: देहानि राव एबा आवफावफोर एबा मावनायजों लोगोसे फोरमायथिफोरखौ बाहायनाया सावरायज्जायनायखौ साबसिनै मदद होगोन।

गुदि

कलम, चल्क, डास्टार आरो गुबुन थाखो
खथानि बेसादफोर।

सिगां

बिजाब, बेग एबा मोनसे मुवाफोरनिखुइ देरसिन मुवा।

सावरायनाय आरो फिनजाथाय

- हाबाफारिनि बबे बाहागोखौ नोंबांसिन मोजां मोनो आरो मानो?
- मोनसे बेसादनि बाहायनायखौ फिन सानफिननाया गोरलै ना गोब्राबमोन?
- नों मोनबेसे बेसादफोरखौ थार महुरै हमदांनो हादों?
- हाबाफारियाव नों मा मोनसे गोदान बेसादखौ दाजाबदेरगोन?



बेंखन सम न'टफोर

हाबाफारि सर' खालाम



बेसाद —
पेन्सिल बाक्सु
लेपटप
धोन सम्फदनि बाखि
गेवनाय दरजा



बेसाद — रुमाल



बेसाद —
दैनि बथल

नुथाय ४—रिसारथिनि नुथायफोर

गोनांथिफोर - गुदि खुगा दामजुफोर: थामथे,
आखायजों बुग्रा दुला, घन्टि, रेबगान्थि
खालामजानाय दामजुआरि देखो (जेबो रोजाबनाय
एबा मेथाइ गैया) बाहायनो थाखाय ।

बिथोनफोर - फोरोंगिरिया मोनसे रिसारथि
दामगोन । नोंडो नोंनि मेगनखौ बन्द' खालाम आरो
सोदोबखौ आबु गोसो होनानै खोनासं ।

नों मोननाय मोन्दांथिफोरखौ नोजोर हो । हमदां
नोंनि गोसोआव मा सावगारि एबा नुथायफोर फैदों ।
दा, नोंनि मेगनखौ खेव आरो बिसोरनो सोरजिलु
आदबजों फिननाय हो (मोसानाय, दोरोदनाय,
फिनजाथाय हो, नोंडो मा मोनदांदां बेखौ फोरमाय ।
रायज्जाय नाडा) ।

जों दायो गुबुन मोनसे थाखोआव थांगोन – रिसारथि
रिसारथिया गावनो माखासे सानसिफोरखौ लाबोनो थाखाय मोनसे गुन आरो मोन्दांथिफोर थायो ।
जेब्ला दावफोरनि गाबनाय सोदोबखौ खोनायो नोंडो माबोरै मोन्दांनो हायो? बोहैलांनाय दैमा एबा
लैथोनि गुथालफोरनि सोदोबआ मा? मोनफ्रोमबो रिसारथिनि ओंथिया जानो हागौ गुबुन-गुबुन
सुबुंफोरनि थाखाय गुबुन-गुबुन मुवाफोर । फै जों नायनि नों मा खोनासडो बेखौ माबोरै ओंथि
होयो आरो आंनो खोन्था दि मोनफ्रोमबो देखोनि खोनदोआ नोंजों मा रायलायगासिनो



मावफारि ९

हरखाबै सोरजिनाय रिसारथि

गुदि

जायगायारि दुला दामनाय, मुसुरनाय बायदि बायदिनि खबाम । रेबगान्थिनाय देखोखौ गंसे सिफुं एकतारा,
बायदि बायदिनि दामजुआरि देखोनि थाखाय गुबुन-गुबुन गोसो-अबस्थाफोर आरो मोनदांथिफोर सोमजिहोनो
थाखाय बाहायनो हायो ।

गिबियाव

बेयो मोनसे हानजायारि हाबाफारि, जेराव फिनजाथायफोरा मोनसे हानजायाव थायो । बिसोरो
गावसोर खोनानाय रिसारथिफोरनि थाखाय थायजानि महर थानाय मोनसे गोरलै नुथाय
सोरजियो । बिदिन्थि: मोनसे रंजालु देखो खोन्दोखौ मोनसे फोरबो फालिथाइ महरै नायनो
हायो; ड्रमफोरनि मोनसे गोथौ रिसारथिखौ गोमोथाव आरो नायबिजिरनायनि मोनसे नुथाय
महरै नायनो हायो ।



सावरायनाय आरो फिनजाथाय

- मा रिसारनाया नोंखौ मिथिंगायारिजों थाबायनो थुलुंगा होयो?
- नोंडो रिसारथि बायदियै थांलाय-फैलाय खालामनायाव गोरलै मोनो ना गोब्राब?
- माबाफोर सोदोब दं नामा? सानफ्रोमबो थाखो खथानि मुवा बाहायनायखौ नों सोरजिनो लुगैदों नामा?
- नों गावनि सोमोन्दै मा मोनसे गोदान बाश्रा सोलोडो?

बेंखन समनि मावफारिलाय

दासिम, नों बेफोर सोदोबफोरखौ गोबां खेब खोनाबाय । नाथाय नोंडो बेयाव जेबो ओथि नुवाखै । जों दा मा खालामदों बेखौ खोनानाय बुंनाय जायो । बेयो खोनानायनिफ्राय जुदा । खोनासंनाया अब्ला जायो जेब्ला नों सोदोबफोर एबा रायज्जायनाय सोदोबफोरखौ बुजिनो, गोसो होथाबनो आरो आरजाथावै फिननाय होनो थाखाय गोसो होयो । नों थाखोआव सानफ्रोमबो गोबां सोदोबफोर खोनायो । नाथाय नों खोनासं जेब्ला नोंनि फोरोंगिरिया बुडो ।



बेयो बेंखननि
सम !



मा बेखौ नायनाया गोमोथाव नडा दि जों सोदोब एबा राव बाहायालाबानो रायज्जायनायनि हाबा मावगासिनो? आरो जों सानोमोनदि सावरायज्जायनाया रायज्जायनायनि सोमोन्दैल ! जों जोंनि मोखां, देहा आरो रिसारथिखौ नुथायफोर बानायनो आरो सल 'फोर खिन्थानोबो बाहायदोंमोन । मा जोंनो रावफोरखौ नांगौ? बेनि सोमोन्दै सान । नाथाय दानिफ्राय जों राव बाहायनायखौ जागायनोसै !